

23 NOVEMBER 2017

Anak Husam didakwa miliki syabu

Ms.64 Khamis, 23 November 2017 BH

→ MAHKAMAH

Anak Husam didakwa miliki syabu

→ Mahkamah benar tertuduh dibebaskan dengan jaminan RM10,000

Oleh Sharifah Mahsinah Abdullah
bhnews@bh.com.my
Kota Bharu

Anak lelaki Naib Presiden Parti Amanah Negara (PAN), Datuk Husam Musa, didakwa di Mahkamah Majistret di sini, semalam atas tuduhan memiliki dadah jenis methamphetamine seberat 20 gram.

Ahmad Syafi, 29, mengaku tidak bersalah atas tuduhan itu di hadapan Majistret Kamarul Hasyime Rosli.

Tawar jaminan
Tertuduh didakwa melakukan kesalahan itu di tepi sebuah rumah beralamat 409, Jalan Pasir Mas-Salor, Kampung Jelutong, Kota Bharu, pada jam 3.30 petang, 18 November lalu.

Dia didakwa mengikut Seksyen 12 (2) Akta Dadah Berbahaya 1952 dan boleh dihukum mengikut Seksyen 39 A (1) akta sama, yang membawa hukuman penjara maksimum lima tahun dan sembilan sebatan.

Terdahulu, Timbalan Pendakwa Raya Muhamad Shahirun Azri Mohd Nordin menawarkan jaminan RM15,000.

Bagaimanapun, tertuduh yang diwakili lima peguam diketuai Firdaus Mohd Yusof, memohon mahkamah mengurangkan wang jaminan kepada RM8,000.

Katanya, anak guamnya yang juga anak sulung daripada tujuh beradik, akan memberi kerjasama kepada mahkamah sepanjang kes perbicaraan dijalankan.

Mahkamah membenarkan jaminan RM10,000 dengan seorang penjamin dan menetapkan 14 Januari depan sebagai tarikh sebutan semula kes.

Ahmad Syafi dibawa ke Mahkamah Majistret Kota Bharu untuk perbicaraan, semalam.

(FOTO FATHIL ASRI/BH)

